

Galicia Encantada



ANIVERSARIO
2005 * 2025
Enciclopedia de Fantasia Popular de Galicia

Fauna

CATEGORÍAS RELACIONADAS

Sabía que para curar as verrugas...

- ▶ Pódese atar unha serda do rabo dunha vaca arredor da verruga a agardar a que seque.
- ▶ Outro remedio sería ir o 11 de xullo ó San Benito a Cuntis e levarlle un ovo por cada espulla que teñamos, o santo hánolas quitar todas. Ou tamén podemos coller na figueira un figo verde e freta-la espulla co leite que solta o figo, logo tápase e así durante nove días, a espulla hase por negra e secar. [Enviado por María J. Sanjiao, de Ducío, Arcos de Furcos, Cuntis].
- ▶ Pódese fregar a verruga co zume da planta chamada ceridonia (ceruda, herba das andoriñas) durante dúas ou tres semanas ata que seque.
- ▶ Pódese pasar pola verruga, facendo cruces, o coitelo de San Adrián; coitelo de salgueiro que tocou o manto da imaxe do San Adrián que hai no santuario de Goiriz, Vilalba (Lugo).
- ▶ Hai que ir lavalasá fonte de Santa Mariña de Xerdiz

BIBLIOGRAFÍA

ANACOS DA NOSA CULTURA. Refráns, adiviñas, lendas... Equipo de Normalización Lingüística, Cursos 95-96 e 96-97, CPI Veleiro do Campo, Castro Riberias de Lea, Castro de Rei (Lugo), Citania Publicacións, Lugo, 2000.

BLANCO PRADO, J. Manuel, Exvotos e rituais dos santuarios lucenses, Deputación Provincial de Lugo, 1996.

COMENTARIOS ENVIADOS

Para curar as verrugas hai que coller unha "lamáchea" (babosa negra) e pasala pola verruga untando ben a baba, e despois colgala con un fío nun piñeiro que estea situado nun outeiro dende o cal se vexan 3 igrexas, todas elas con cemiterio. Cando a babosa seque tamén o fará a verruga.

Enviado por Pili (Arteixo) o 29/09/2007 ás 9:10:24

Para curar a verrugas ahí que ir laválas a fonte do San Xoan do Carballoso, secalas ben e atar o pano co que as secas nun carballo que está o pé desa fonte. Parroquia de Xallas Concello de Negreira - A Coruña.

Enviado por Vanessa Casal o 15/05/2008 ás 16:02:49

Remedio dos avós:

Para quitar as verrugas cóllese unha variña ben feita, que atraia a tención de outra persoa. Refrégase a verruga con ela ao tempo que dis "Verruguiñas teño, verruguiñas vendo, deixoas quedar e voume correndo" tiras a vara e voste do lugar correndo. Din que cando esa variña sexa collida por outra persoa collerá as verrugas que tiñas tí, e a ti desapareceranche.

Enviado por Mila L.P. (Lugo) o 27/04/2010 ás 22:47:39

o mellor para eliminar as verrugas é cortalas pois é indoloro como explotar un grano e tan solo tes que ponerlle unha tirita e esperar a que caiga a costra como se de unha herida se tratase

Enviado por manuel puente castro colegio san francisco javier 1 ESO o 18/11/2015 ás 16:17:58

Dín que o mellor remedio é ir ofrecido o San Bieito da Uceira (Sandiás). Esta romaría realízase tódolos luns de Pascua e os segundos domingos de xullo. O San Bieito da Uceira é un santo especialmente avogoso para as verrugas, que ten moito predicamento entre os veciños da comarca da Limia e dos arredores. A tradición esixe que se pase un pano polas zonas do Santo onde se padeza o mal (por exemplo, os ollos), e logo polas zonas equivalentes da persoa. Tamén se entende que os poderes do santo se reforzan coa compra dun exvoto de cera.

Enviado por Xavier F. (www.culturapopularandesandias.com) o 13/01/2008 ás 18:11:02

Outro remedio sería ir o 11 de xullo ó San Benito a Cuntis e levarlle un ovo por cada espulla que teñamos, o santo háno-las quitar todas.

Ou tamén podemos coller na figueira un figo verde e freta-la espulla co leite que solta o figo, logo tápase e así durante nove días, a espulla ase por negra e secar.

Ducío, Arcos de Furcos, Cuntis

Enviado por María J. Sanjiao o 26/06/2008 ás 9:56:55